


Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.117






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.117



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.117




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.117

1. 6. 117

A

PEDION

181



16-117 B I
IOANNIS PEDIONEI Constantini, ad Ioannem Iacobum Fuggerum Kirchpergæ, & Vuciffenhorni Dominum, de Bello Germanico liber.



CVM GRATIA ET PRIVILEGIO sacre Imperatorie Maiestatis.

M. D. XLVII.

IOANNIS P.

diomed Constantini ad lo

annum iacobum Fugge

tum Kuchberg, &

Vuiffenhorst Do

minum, de Bello

liber.

Germanico

liber.

CM GRATIA ET TRI

regio fere Imperatoris Maximilianus

M. D. XLVII

IOANNES PE.

DIONEVS, ORATOR

& Poëta Imperatorius, Ioanni Iacobo

Fuggero magnifico & nobili

uiro.

S.

P.

D.



BELLVM Germanicum scriptus
rus tres Fuggere libros institui. Ho-
rum qui primus est, iam perfectum
à nobis, & absolutum, & nisi fallor
etiam emendatum ad te mitto: ut
quam spem atq; opinionem de reliquis duobus
habiturus sis, iam nunc animo tecum constituere
possis. Quanquam tamen & medius ad finem fe-
rè iam properat: sed nondum lima ea, quæ adhi-
beri debet, accessit. Nec mihi quidem in hoc præ-
sertim genere scribenti ita properandum censeo, ut
quicquam præmaturæ famæ causa nisi emenda-
tum, elaboratum, perfectumque in lucem profes-
ram. Satis, opinor, maturabo, si sat bene, ut ille ne-
scio quis inquit: si uero nec bene, etiam plus satis
mature. Veruntamen quātulumcunq; illud sit, si eo-
dem modo, quod operis reliquum est, licuerit uel
per ætatem, uel per ocium detexere, ac perpolire: in
spem uenio, meam operam uiris doctis, & præcla-
ro iudicio prudentiaque præditis hominibus me
probaturum. Nec enim uel eius iudicii poeniten-

A 2 dum uis

EPISTOLA

dum uidetur, quod de hoc ipso primo libro iam factum est: & quidem à doctissimis, quorum testimonia fortasse etiam suo tempore prodibūt. Nam ijs quidem, quorum dignitas & gloria in hoc bello agitur, dubito nullo modo: quin animum studiumque meum comprobare possim: uel quod in causa magnifica, non humilimo, ut ego quidem opinor, orationis genere uersatus sim: et heroum res gestas heroico & carmine & numero attingere conatus. Quis autem in tali præsertim causa maiore uti moderatione ac modestia potuit, qui ne ijs quidem, si modò se respicere uoluerint, ualde molestus sim: quorum causam inuidia primum maxima grauauit: temeritatem deinde & audaciam (ut in re atroci uerbo quàm leuissimo urar) exitus tristis atque acerbus comprobauit. Sed aliud mihi spectandum fuit: non quo illi mereantur stylo confici, quo colore depingi: uerum potius uti ad lenitatem animi & clementiam singularem illam ac propè diuinam summi & imperatoris & uiri naturæ quandā exprimens similitudinem: ne illis quidem admodum stylo nocerem, quibus ipse in uictoria pepercisset. Nec tantum quid hæc tempora postularent sed multo magis quid posteritas olim iudicatura & de illis, & de nobis esset, considerandum duxi. Ac in eo sanè, quò magis laborandum fuit, uideor affectus: ut neque historiæ simplici ac nuda ueritate contentus: neque ob artificium carminis, quæ remotiora

N V N C V P A T O R I A .

motiora à fide & ueritate sunt arripiens, me uel iniurium alijs, uel alijs obscurum reddiderim: sed ita historiam, tanquam poema, & ita carnem tanquam historiam tractans, in hac certè fidem: in illo uero etiam ornatum quendam spectari uolui. Ad te autem Ioānes Iacobe Fuggere hoc opus meum, quo adhuc nullum maius, maiorisque operæ & industriæ suscepi tractandum, hac de causa potissimum mitto, non uti ad armatum, & eum (ut plerique solent, & ego certè potuissē) qui aliqua huiusce belli præcipua pars fuisset: sed uti ad eum, qui in pace spectator esse: quàm actor in bello maluerit: & eum denique, qui initia huius calamitosissimi belli & sapienter præuideris, & diligenter caueris, authorque fueris ciuibus tuis: ut Maiestatem diuini Imperatoris obsequio potius & pietate uenerari ac conseruare uellent: quam eiusdem potestatem, quæ hodiè totam ferè Europam amplectitur, armis & iniurijs tentandam ac uiolandam putarent. Qui certè si tuam essent & prudentiam & authoritatem secuti, non remp. non patriam in commune discrimen dedissent: non se suosque in tot calamitates præcipitassent. Itaque pacem bello rectè tu quidem præponendam putasti. Tu idem postquam nec consilio, neque authoritati bonorum, & bene sentientium ciuium, locum uidisti, abesse à locis illis maluisti: quàm uidere quæ agerentur: neque ullo modo participes esse uoluisti earum actionū, quas

A 3 nunquam

EPISTOLA

nunquā probauisti: ne aliqua re, aut fidei, aut constantiæ tuæ uidereris defuisse. Iam postquam inclinata res est, & uictoria per eum constituta, ad quē Deus ipse immortalis, ad quē fortuna homines quē omnia ornamenta contulerunt: cuius uictoria & domi dignitas, & foris authoritas retenta est, non defuisti, quātum in te fuit, patriæ: & cui re integra nō potuisti persuadere, quid sequendum esset: is adflictę opem tulisti. In quo quidem eximia laus extitit Antoni Fuggeri, magni & præclari uiri patruī tui: qui etiam priuatā iniuriā quorundā audacissimorum hominum, pietati, quam patriæ debebat, postponēs, deprecatoris uicem apud Cæsarem gerere sustinuit, & iram uictoris armati oratione, ac multo uerius gratia & caritate nominis sui lenit atq; mitigauit: ciues patriæ, patriam ciuib; restituit. Cui quidem si priscis illis temporibus uiuisset, cum pro pietate bene merito ciui honores, & immortalis gloriæ præmia ciuitas constituit, non certē supplicationes multorū dierum, non equestris & inaurata statua, non honores omnes satisfacturi uiderentur. Huc accedit illa quoq; causa, quod ad te potissimum mitto: ut quo animo erga te sim, fuerimq; iamdiu, quo scilicet omnes ferē studiosi, doctique uiri nostro tempore sunt, ex me aliquo illustriore argumēto cognosceres. Deinde ad quos potius conuenit mittere lucubrations suas omnes eruditos, quā ad eos, qui miris

mirificè literas diligunt, literatorum hominum cogitationes uenerantur, studiaque promouent. Inter quos Fuggere tu principem hodiè locum obtines. In quo quidem præclare sentis exempla te domesticà habere ad imitandum. Primum quidem parentis tui Rainiundi Fuggeri summi & singularis uiri, & intueris quotidie Antonium patrum: quorum liberalitate & industria non minus hodiè in Germania: quam olim in Italia per Medices, literæ & literati uiri excitantur & ornantur. Tu igitur Ioannes Iacobe Fuggere hunc primum librum à nobis accipe: donec & secundum emendatum & tertium additum habeas, quod erit, ut spero, proximis annis futurum. Atque hunc quidem librum tanquam reliquorum testem scilicet ac prædem apud te, & apud cæteros esse uoluimus, ideoque publicauimus, quod nec à tuo iudicio, quod grauißimum sum arbitratus, ulla in re uelim dissentire: nec sanè honestè possim amicorum, eorumque doctorum repugnare uoluntati, qui quidem me ad hanc editionem & consilijs grauißimis excitauerunt, & quotidianis ferè monitis impulerunt. Sed intelligunt nimirum, atque ego memini persæpè cum à nostris hominibus: tum uerò etiam antiquis scriptoribus, quosdam libros seiunctos ab alijs publicatos & editos fuisse, & summos poetas, Romanorumque omnium facillè principes Virgilium, Lucretium & Horatium singulos quosque libros

EPISTOLA

libros recitasse constat, quod non meo iudicio mi-
nus est : quàm quicquam nos hodie librariorum
manibus inuulgare. Quod autem ad me attinet,
si à studijs meis animum tuum non omnino alie-
num esse sensero, dabo operam ut plura alijs
quando & uberiora & meæ erga te bene-
uolentiæ, & obseruantia in uniuersam
familiam tuam accipias à me
documenta. Vale. 6. Calen.

Sextiles, 1 5 4 7.

Ingolstadio.

IOANNIS PE DIONEI CONSTANTI.

ni, ad Ioannem Iacobum Fuggerum Kirch-
pergæ, & Vueyssenhorni Dominum
De Bello Germanico Liber.



V o res summa loco, uoluant quibus om-
nia fatis

Numina, quo uastos compleverint mili-
te campos

Hinc atq; hinc collatæ acies, dum ma-
ximus armis

Fulminat Augustus bello, populumq; superbum
Carolus imperio subigit: mihi prima canendi
Cura sedet, nostræ hæc sint prima exordia musæ
Nam pia sic fortuna tulit. dijs gloria postquam
Adfuit Austriacis, uisumq; extollerere regem,
Cui pater ipse deum sceptri concessit honorem
Cui mare, cui tellus cuncta dictione pateret.
Hinc ubi turrigæ iamuper liquimus urbis
Moenia, quæ Boius spumanti perluit unda
Danubius, flauaq; solum perfundit arena.

Tu tantum, tu Diua faue, cui carmina semper
Cui cithara, & calami, & plectra sonantia cordi.
Tuq; adeo nostri princeps & carminis autor

B Phoebe

IOANNIS PEDIONEI

Phoebe pater, seu te Delos materna moratur,
 Seu tua te Cynthus, nec tellus gratior ulla
 Detinet, atq; arcu pariter calamisq; potentem:
 Seu te Nympharum tota stipante corona
 Ardua suspiciunt Parnassi culmina montis:
 Phoebe faue, & primis felix haud abnue coeptis.
 Tuq; ades, atq; uolans uento da uela secundo
 Inceptumq; uolens mecum decurre laborem
 O Fuggere decus nostrum, cui carmina uates
 Certatim scriptasque ferunt ab Apolline chartas:
 Quandoquidē spretas (miserandū) hoc tempore musas
 Solus amas, famaeque iuuas primordia nostrae.
 Quem licet assidue tantarum pondera rerum
 Detineant, duroque negotia munere uersent,
 Saepe tamen nostras animum deflectis ad arteis,
 Saepe etiam molli sophiae requiescere in umbra
 Te iuuat, & notos Nympharum inuisere fonteis:
 Siue aliud studium atq; alias accingeris artes:
 Te uaga sollicitum suspendunt sidera mundi
 Altius, & magnus naturae detinet ordo:
 Seu quicumq; alius rerum te postulat usus,
 Huc ades, & coeptis felix allabere nostris,
 Quae tibi cunque damus uiridi sub flore iuuentae,
 Prima rudimenta, & primi instrumenta laboris.
 Quod si maturos olim firmabimus annos,

Iam-

Iamq; suo solidi subsistent robore nerui,
 Cæsaris arma tui, & partos tot in orbe triumphos,
 Virtutesq; uirosq; ingenti carmine dicam,
 Carmine quod ueniens nonnulla redarguat atas,
 Quodque legant cupidi, longum celebrentq; nepotes.
 Quin te etiam tantis iuuat hinc intexere chartis,
 Aeternumque meo retinebis carmine nomen:
 Nec tua uenturum morietur fama per æuum.
 Sed nos interea monti ad tua iussa feramur.

Cuncta mouens animo iam pridē opera atq; labores,
 Omnipotens terras cœlo despexit ab alto:
 Ut uidet ingratas hominum tabescere mentes,
 Tot scelerum facies, tot iam miserranda per orbem:
 Facta uirū, uersatq; graueis sub pectore curas.
 Usque adeo apparent rari, quos crimina uitæ
 Sollicitent fassos: neq; iam in pia uelle reuerti
 Agmina, nec culpæ quenquam scelerisque perosum.
 Prospicit A stræam, terras quæ fortē petebat,
 Desertosque lares, nec longo tempore uisos
 Mortales, coetu niueo comitante sororum.
 Hanc uidet incaßum conantem, & multa parantem
 Ingrato generi: tædet coeptiq; animique.
 Erigonen igitur genitor uocat, atq; ita fatur
 Nata redi, mea nata, poloque illabere nostro:
 Quandoquidem curas penitus meditaris inanes,

B 2

Ac

IOANNIS PEDIONEI

*Ac frustra surdas uocem despergis in auras.
 Nondum grata salus, necdum fortuna recessit
 Pristina, nondum animis omnis dilapsa cupido
 Rursus in antiquam quianam reuoluta ruinam
 Præcipitant, atq; impia secula bella retractant?
 Anne parum fuerat, patrium quòd linquere coelum
 Iampridem natum, casus qui tolleret istos
 Iussimus, æternamq; uiris indicere pacem?
 Multos præterea qui certa oracula uates
 Edicant, mea qui terris mandata reportent,
 Misimus: at tandem uiden ut nihil omnibus actum
 Tantorum studijs operum? natiq; patrisq;
 Obliti penitus, quin ipsum ad tristitia natum
 Supplicia (infandum) uasana mente reposcunt:
 Legatiq; pias miseri maclantur ad aras.
 Nec tamen immitis sceleri clementia tanto
 Nostra fuit, penitusue parentis cura recessit.
 Cum possem omnipotens terras abolere nocenteis
 Et possem uastis diffundere montibus undas,
 Omnia uel pariter rapidis absumere flammis,
 Quæ non interea dedimus? non cessimus ultro
 Artis, opis nostræ? potuit quæ copia rerum
 Esse, fuit, neq; iam desunt uberrima regna.
 (Ipsa mihi testis) uiden ut felicibus aruis
 Semina parturiunt segetes, sua pascua colles?
 Pampi.*

Pampineas fert Liber opes? sua munera Pallas?
Cur non pacati his potius, lætiq̃ue fruuntur?
Cur placet inter se tanto concurrere motu
Inuictas genteis, mox una in pace futuras?
His super imposui regem, quem nostra secutum
Iussa sub imperio longè lateq̃ue potentem
Ingenti imperio, coeliq̃ sub arce locavi.
Scilicet ut sacros obseruent omnia nutus
Cæsaris, & certis mundus regeretur habenis.
Atq̃ hoc nec fuerat terris clementior alter,
Iusticiaq̃ prior: Quo non Fernandia uirtus,
Quo pietas, sceptroque pari clementia fulsit?
Non tales, non ulla tulerunt secula fratres:
Nec si iam priscum uoluantur cuncta per aurum
Atq̃ nouo remeent Saturnia secula mundo.
Et placet obstrepere, ignotoq̃ laceffere bello?
Detrectare iugum, atq̃ irarum quærere causas?
Quarè age si tantos iuuat exercere furores
Incassum, propria mox tandem clade quiescent.
Componentq̃ animos, & mutua fœdera sument:
Antè nefas te nata feras componere menteis.
Sic ait, & totum stupefecit numine cœlum.
Protinus Erigone genitoris iussa facessit,
Quam Pax, quamq̃ pij comitatur numē Amoris:
Pierides, Charitesq̃, & flauo crine Medusa:

IOANNIS PEDIONEI

Tum Pietas, niueoque soror Patientia uultu;
Simplicitas, & clara Fides melioribus annis.
Parebant omnes, Iouis & conuexa petebant
Atq; hominum in terris iram miserantur inanem,
Laturæ quondam auxilium.

Scilicet hæc toto monstrabant nubila cœlo
Ventura, & fusca pingens ferrugine frontem
Phœbusq;ue, Phœbeq;ue caput uelata tenebris
Signa dabant, uastiq;ue & conscia sidera mundi
Humanum miserata genus, miserata labores.
Insper & terra ingenti tremefacta tumultu,
Horrendumque sonans uasto sub gurgite pontus
Deseruit turpeis extremo in littore phocas:
Quotque regit pelago pascens immania Proteus
Corpora, terribili terras petiere meatu.
Tempore quin illo dominator Rhœnus aquarum,
Danubiusque sacro ripas qui gurgite lambit,
Corniger & Tyberinus aquis pulcherrimus, & qui
Eridanus rapidam perlabitur Amphitriten
Intuinuere, atq; horribili strepuere profundo
Immenso passim complentes æquore terras.
Quin eadem claro monstrabant edita cœlo
Fulgura, quin eadem diri cecinere cometæ
Armati ferro latus, infandoque cruore
Tendebant triste ardentes ex æthere signum.

Ergo

VIII
Ergo ubi iam terras, mundique reliquit habenas
Erigone cum fratre pio, coetuque sororum:
Continuo sæuæ nutu Iunonis eunt res,
Dissimulante deo. furij accensa prophanis
Grassatur, superos odijs, Manesque repleuit:
Se spretam passim incusans, sua numina temni:
Nec quenquam meritos aris indicere honores:
Gradum ante omneis stimulans. qui concitus ira
Infremit horrendos acuens in corde furores:
Non illum triplici moles circumdata muro,
Non centum tenuere trabes, non uincula centum
Ferreæ. quint tota penitus compage soluta,
Carceris & ruptis uinclis furi undique Mauors
Arma gerens rabidoque hominum sitit ore cruorem.
Sic lupus hybernis siquando mensibus actus
(Urget enim uæsana fames, duplicatque furorem)
Frigidus in terris Boreas premit omnia latè:
Cuncta rigent glacie passim constricta niuali,
Fontesque, fluuijque, olim quibus acta carina
Stagna que iam solido sustentant marmore currus.
Nullus arator equus: stabulis armenta morantur,
Cumque suis tuti requiescunt matribus agni.
Illum indignantem uideas, rabieque furentem:
Ast ubi uere nouo uestitur gramine tellus
Cum referunt uarios uolucrum syluæ undique cantus.

Erran.

IOANNIS PEDIONEI

Errantesq; uagæ pecudes sua læta requirunt
Pascua: tum prædæq; inhians, speq; ipse refectus
Arua petit, cursuq; potitus gaudet aperto.

Gradiuo horribili comes it Bellona Flagello
Dans sonitum latè, stygijsq; inuecta tenebris
Bacchatur, totumq; feri ciet agmen A uerni:
Ipsa immensa, horrenda, ingens quam cætera turba
Consequitur, Diuæq; pedem comitatur euntis
A lecto ante alias sæuis succincta colubris,
Tisiphoneq; furens, lethiq; Megæra creatrix,
Tartarei quibus est latè data cura profundi:
Iraeq; insidiæq;, & tot qui noscere rerum
Monstra uelit, Libyci uelit idem noscere arenas
Ionijæ maris tumidas numerare procellas.

Ergo ubi sunt primæ commissa piacula culpæ,
Bellonæ monitu, furialiq; excita monstro
Arma fremit, cupit arma, simul rapit arma iuuentis.
Armorum sonitum latis Germania regnis
Suscitat, & stimulis urget non mollibus iras.
Nec mora quin belli falces uertuntur in usum,
Flammantq; globos plumbo strinxere tenaci
In clades Europa tuas: multisq; futurum
Exitiū crudele (nefas) lethiq; uenenum.
Vomeris hinc omnis, hinc protinus omnis aratri
Cessit amor: nullus mandet qui semina terræ

Ventu.

DE BELLO GERMANICO.

Venturaeque famis memor, aut qui rura Lyæi
 Conserat, aut horto curet disponere plantas.
 Cuncta iacent diro quoniam percussa furore
 Ah dolor, & totum sæuit Bellona per orbem.
 Nam qua se celsis urbs ingens mœnibus effert,
 Urbs antiqua, potens: turreisq; ac tecta domorum
 Eminus ostentat, summoque extollit olympo.
 Hanc pater Augustus (si uera est fama) Quirino
 Addidit, Augustamq; suo de nomine fecit:
 Quam Licus placida uiridis perlabitur unda,
 Aruaq; Boiorum Sueuis discriminat agris.
 Ecce hinc increpitans flagrum Bellona cruentum,
 Aleto & stygia graditur stipata cæterua
 Prima rudimenta hinc bellis, hinc prima malorum
 Causa ruit, stimulisq; animos accendit amaris.
 Atq; ubi pugna placet populo, patribusq; uocatis,
 Urbe, demo, cedunt: patriæ quibus ocia curæ,
 Aut qui Cæsareos grati uenerantur honores:
 Aut quibus est animo melior sententia, cedunt.
 Illicet armati tota dominantur in urbe:
 Bellum optant omnes, dirum contra omina bellum
 Quod propius cuiquam telum rapit: ille sonantem
 Fert humeris arcum: galeam contra ille rubentem
 Sanguineam & pariter cristis auroq; micantem
 Indutus capiti, loricam aptarat habendo.

C

Hic

IOANNIS PEDIONEI

Hic pedes, hic gladio fidens, atq; arduus hasta
 Pulveream ille quatit nubem procul ære cauato
 Missilibusq; instans atq; igniuomis tormentis.
 Contra ille æripidem spumantiq; ore frementem
 Raptat equum, camposque uolanti calce fatigat.
 Ipse inter primos excelso corpore longe
 Eminent, ac nitidis fulget Sertorius armis.
 Caesaris hic quondam uictricia signa secutus
 Vastarat miseræ lugubriæ moenia Romæ:
 Pannoniasq; arces, Istrini littoris oras
 Transferat: Cæsar Gallum qui foedere rupto
 Sumpserat Ausoniæ uetitos sibi gentis honores
 Insubrumque adeo dictas de nomine terras
 Marte reposcebat demens iamque arma ferebat:
 Reppulit, & uictum non æquis exiit armis.
 Ille comes factis: illi hinc ter maximus heros
 Contulit imperium æternoque adstrinxit honore.
 Siccine grata fides? sic inuiolata uoluntas?
 Quam bene apud memores clari stat gratia facti?
 Ergo ubi iam penitus concepit in ossa furorem
 Nec requies datur insano, nec cura medendi,
 Irruit, & primæ tentat discrimina pugnae.
 Continuo miseri bello turbantur agrestes,
 Et pauidæ matres rapuere sub ubera natos.
 Fit clamor, uariisque sonat plangoribus æther
Horri-

DE BELLO GERMANICO.

Horrissono ululatu, & flebilibus lamentis.

Præcipue queis religio, & pia numina curæ
Diffugiunt raso insignes à uertice fratres.

Heu pietas, heu sancta fides: hæc præmia tandem
Sperastis? neq; enim uestri meruere labores
Exhausti mediosque dies, meedijsque tenebris.

At uos nec populi fasces, nec purpura fratres
Nec Romana iuuant æquata palatia cœlo:
Nec uos diuitijs unquam studuistis habendis.

Vobis grata quies, & corda insueta laborum,
Demissique animi, nec magnæ laudis egentes.

Est procul à uobis malesuada famesque, sitisque:
Durus uterque labor. medio cum Sirius æstu

Vrit agros: Boreas etiam cum frigidus horret:

Exiguam uictu Cererem, nec multa Lyæi

Munera, nec cellis unquam delecta Falernis

Viua iuuat libare, & sumptu uiuere paruo.

Cur non in syluis, non inter amœna uireta,

Fontesque, fluuiosque, & desertas conualles

Degere? non licuit studijs ignobilis oci

Panæque, Syluanumque inter, Dryadesque puellas,

Mulcentes nemora, altaque sidera uoce cientes

Expertem potius curarum ducere uitam?

Nunc ite ô miseri (neq; enim istis excidit ausis:

Quicunq; est uestros ausus uiolare penates)

C 2

Itc

IOANNIS PEDIONEI

Ite p̄i fratres: alio hinc sub sole iacentem
 Quærite terram, aliosq; lares, ignotaq; tecta.
 Tam bona non isto potuit sub sidere frugis
 Herba coli. non uestra capit præcordia tellus
 Impia, dijs inuisa, malis polluta uenenis.
 Respicite, ab uestris insultat sedibus hostis
 Diripiunt adytus, ignemq; sub atria iactant
 Tecta ruunt, uulso perrumpunt cardine postes:
 Cuncta simulq; labant sæua prostrata ruina.
 Impius in templo miles, miserabile uisu,
 Adspicite, & sacris celebrat conuiuia mensis:
 Spumantesq; deo pateras, penetralibus imis
 Eruta, nec tales faciunt quæ pocula ad usus
 Miscet: at hæc olim festis spectanda diebus
 Optimus Alcimedon puro calauerat auro.
 Quæ postquam primæ commissæ incendia pugnae
 Accepit latis diues Germania regnis.
 Continuo trepidæ firmatis moenibus urbes
 Consilium inter se summis de rebus inibant
 Tum promissæ nouis instaurant foedera dictis,
 Foedera Chalcidicas quondam damnata per aras.
 Tum uero ardenti persuadent omnia uulgo,
 Cæsaris immensas terraq; mariq; phalanges
 Aluentære uiro & uarias se adiungere genteis
 Quid uelit his. quem si fortuna sequatur amica,
Germa-

Germanas cupiat cuncta ditione per urbeis
Imperium, ac sceptris terram summittere Iberis.
Nec satis id. stimulis urgent propioribus iras.
Sacra deum, certamq; fidem, sanctosq; penates
Excindi pariter cum libertate queruntur.
Nec pudet his stolidas corrumpere uocibus aures,
Concipere & Scythico quæ uix speranda tyranno.
Sed nulla ambiguo leuis est sententia uulgo:
Dum noua: dum precij spes addita, mille sequuntur,
Ergo iussa parant, spoliantur ciuibus urbes
Ac desolantur passim cultoribus agri.

Principio Sueui exercent qui iugera campi
Arma ferunt, genus acre uirum, indomitumq; labore,
Qui Licum, Phraasinumq; bibunt, Nicriq; fluenta:
Hercinioq; iugo populi super inclinantes,
Qui Virpergiacæ terram perrumpit aratris:
Qui Gardamq; colunt, & pulchræ rura Tubingæ,
Diues opum regio, mitigratissima Baccho,
Nec non & Cereri iucunda, & læta Dianæ.
Omnes arma gerunt mens omnibus una sequendi
Qui uicina tenent, lætis quibus imperat aruis
Viricus princeps: quo non præstantior alter
Debellare feras, & figere tela uolando:
Ac cer equum domitor, exploratorq; luporum
Hoc illi studium, hæc animo iucunda uoluptas,

IOANNIS PEDIONEI

Seu Boreas rigidis uexet mugitibus agros,
 Seu Canis æstiuo flagret crudelior igni,
 Venatu inuigilare, per inuia saxa, peraltos
 Ducere equum monteis, cursuque relinquere uentos.
 Nec requies, quin aut annosi cornua cerui,
 Spumantisque caput suspendat postibus apri
 Latonæ, Faunoq; sacrum. nec tarda senectus
 Impedit, aut uires animi, studiumq; fatigat,
 Iamq; uelut Priamus tentare pericula belli
 Ausus erat iuuenum manibus tractare laborem
 Iamq; diu insolitos belli, oblitosque triumpho
 Ducit in arma uiros, audetq; laceessere ferro.

Post hunc iungit opes fontis qui stagna fluentis
 Danubij, qui prata tenent uiridantia riuus
 Ruscelli, & tremulis fluitantem cornibus Illum;
 Tum quos Rhenus alit, magno qui flumine terris
 Teutonicis Gallos dirimit discrimine certo,
 Perque tot egregias uehitur pulcherrimus urbes
 Tam multos sacris populos pater alluit undis:
 Roranteis udo tollens ubi gurgite uultus
 Maximus Oceano ternis sese amnibus infert.
 Hinc etiam Alsatijs longè quæ maxima terris
 Urbs iacet & triplici circumdata moenia muro:
 Robore fossarum ingenti, miro aggere muros
 Cuncta, rigat ternis circumquæ intraq; fluentis,

Ipse

DE BELLO GERMANICO.

*Ipsa potens, ueterumq; tenens se more parentum,
lura dat, externis nusquam gens subdita sceptris,
Argentoratum prisca dixere coloni,*

*Atq; hodie Latio tenet urbs argentea nomen
Dat coniuratis populis in praelia nomen.*

*Hinc Leucigens saeuaruunt, ueteresque Sicambri,
Hinc Vbij, populiq; omnes, quos fregerat olim*

*Armipotens Marius, magnum tibi Roma trophaeu
Ter sunt conati Ausonidum perrumpere classes,*

Scilicet & Gallos propriae summittere genti:

Ter domuit fuso prosternens sanguine Mauors

Romulus. & Latiae subiecit colla catenae.

Vos etiam uestros haec ipsa in bella colonos

Pomerij: uos unanimes misistis alumnos.

Vicinae Cimbris olim confinibus urbes:

Quos uitreus pingui Rhenus foecundat arena

Oceanusque pater spumanti perluit unda:

Gens qua non alia est pelagi perrumpere fluctus

Doctior, aut tantis explorat classibus aequor.

Vsque quod extremis rerum portatur ab Indis,

Quicquid apud Medos, Arabasque a sole perustos,

Conuectare iuuat. non illis longa remotis

Finibus Hesperia, aut latas distenta per oras

Quae secat immensas pinguis Panchaia messes.

Omne aeuum cursu teritur. aut nigra Canopi

Arua

XII

IOANNIS PEDIONEI

*Arua petunt, tumidæ natant uaga flumina Nili.
Aut iuga Persarum Graijs excisa triumphis.
Si non ingentes rerum cumulentur acerui,
Nec stet cuncta domus fulgens auro atq; argento,
Nulla modum rebus posuit gens illa parandis.*

*His sese adiungit uastum porrecta per æquor
Danorum regio, huc armis pariterq; parati
Tirygetæ, & diris omen Saxonia bellis,
Illa potens regio, & raris generosa metallis.
Hic illum memorant (sed fama obscurior annis)
Arminium rexisse ducem, qui consule cæso
Quintilio magna uastauit clade Quirites
Barbaricos Italo perfundens sanguine campos.
Non illi quisquam impunis se contulit hostis,
Siue acie, aut paribus placuit concurrere telis.
Nunc eadem penitus ueterum haud oblita parentum
Sed triplex regio, & reges sub gente quaterni.
Pars bello apta manus, placidæ pars apta quieti,
Nunc iam communis trahat hæc in prælia maiors.*

*Hos super adueniens duris è montibus Hæssus
Vertitur, æripedemq; citata calce fatigans
Ingenteis animos haud magno incorpore uersat.
Innumeros ducit populos, quos undiq; mittunt
Fœdera Cæsarcos iam mox auctura triumphos.
Hunc cum dira suis Germania ferueret ausis,
Inque*

Inque suas rueret cladeis cognata iuuentus
 Ipse pater bello in medio inter tela Philippum
 Sustulit, ipse potens armis & diuite regno
 Sceptra Palatini uastabat Marte cruento.
 At coniux non illa colis ad sueta Minerue,
 Fæmina sed iuuenum manibus tractare laborem
 Audax cumq; uiro simul hæc in bella ruebat.
 Haud secus amborum soboles de more parentum,
 Irasq; insidiasque feroci in pectore seruat.
 Vix potis est placida mentem sopire quiete,
 (Ipse modum tanti, causam sciat ipse furoris)
 Aut fera ciuili uersans discrimina motu
 Ausus erat patrio Guelfos expellere regno:
 Cum populisq; urbes perturbat, & omnia miscet:
 Aut (stimulant iræ memores, urgentq; furentem)
 Persequitur sæuocq; audet conuellere ferro
 Regna patrum quibus est pietas, & pristina cordi
 Religio, humanas penitus qui pectore curas
 Proiecere, Deumq; magis sectantur amorem.
 Hunc sibi, quod sumptis longe præstaret in armis
 Et rueret scelere ante alios audacior omneis,
 Delegere ducem, patriæ quibus ocia curæ
 Rumpere, & Austriacos ferro tentare penateis
 Detrectare iugum, belloq; laceffere Diuos.
 At parte ex alia populi regnator Iberi
 Augustus Cæsar, genus alto à sanguine Diuum
 D E micat

IOANNIS PEDIONEI

Emicat, & multo grauidas agit ære cateruas
 Quem niue candidior tum fulminis ocyor alis
 Portat equus, tergo tantum asuefactus herili.
 Ille agit armatos armis circumdatus ipse,
 Tempora sed nudus cælo os ostendit honestum
 Antè quidem summo uolitanteis æthere cernas
 Romanas aquilas magno petere agmine terras.
 Tum uerò toto turbari corpora cælo
 Alituum uariarum: & cuncta armenta uideres
 Diffugere, atq; feras tacitis se condere syluis.
 At louis arma gerens campo speculatus in amplo
 Austriadem agnoscit dominum, regemq; salutat.
 Quem comites sistunt circum plaudentibus alis
 Gloriaq; & niueis uolitans Victoria pennis:
 Tumpta Libertas soror, & diuina potestas
 Omnia quæque uehit secum bona Copia cornu
 Adstans, unanimisque soror Rhamnusia uirgo
 Ceu mater pia, quæ uarios expendere rerum
 Docta, timens casus natum comitatur in omneis.
 Adstunt, regisq; sui latera undiq; cingunt
 Dona dehinc Iouis imperio mandata reportant,
 Ensemq; ignipotens Magno quem fecerat olim,
 Magno qui princeps Germani sanguinis arces
 Tybridis, & sceptro Romanum rexerat orbem.
 Hunc ergo & triplicem ferroq; auroq; crepantem
 Thoraca, & clypei longè admirabile textum.

Nan-

Nanq; illic patris indicio *V*ulcania pubes
Pinxerat imperium magnum, populosque potenteis,
Multaq; iam sceptris superaddita sceptris *L*atinis.
In medio regum sanctissima pectora fratres
*A*ustriadae magni longe, lateq; per orbem
Iura dabant: hic *A*uroræ qua cernitur ortus:
Ille autem *H*esperias qua *S*ol descendit ad undas
Sceptrum tenet, melior bello & præstantibus ausis.
Iampridem *C*alpen ultra, *H*erculeasque columnas
Protulit *A*ugustum imperium, & iam Marte secundo
Post fractas *G*allorum acies, iterumq; subactas
Regis opes, *S*enonas pulsos, *R*hodanique colonos,
Perfida bis tumidi conculcat cornua *R*heni.
*H*is illum studijs nitentem, hac arte uideres
Parcere subiectis, & debellare superbos.
*V*sque adeo rebus non ulla est meta gerendis
(*V*rget bonos animum, laudisque immensa cupido)
Imperio dum idem *L*atio sit finis & orbi.
*M*oxq; *S*cythas bello premet, & *M*aometica regna,
*P*annoniamque omnem, quam perfidus abstulit hostis
*T*um ueteres *E*piri urbeis, ipsasq; *M*ycenas
*V*i repetet, summoque uiam contendet olympo.
*H*æc ubi *L*emniaci miratus dona parentis,
Qualia nec priscis heroibus arma dedisset,
Induit atq; humerolætus suspendit ab alto.
Nunc uero qui sint *A*ugusti signa secuti

D 2

Quæ

Quae uastos acies compleverint undique campos
 Dicite Pierides, etenim uidistis & arma
 Prima ducum, uarioque undantia milite castra,
 Princeps ante alios populum qui ducit Iberum
 Fernandus magni soboles antiqua Toleti
 Inclyta progenies tot ducta ab origine regum
 Austriadae superat quo uix iucundior alter,
 Ingreditur longe sumptis acerrimus armis.
 Millia multa uirum circa, quibus imperat, & quos
 Delegit bello comites, pacique ministros:
 Iuxta Germanae referens primordia gentis
 Mauricus uultumque ferens animumque uirilem
 Lariades: Feriaeque domus non una propago.
 Tum bello ad sueti iuuenes, quibus effera uirtus
 Visque animi praestans, Stunica & Cardomus beros,
 Patticusque ferens antiquae semina stirpis,
 Quae quondam Hispanis nituit clarissima terris.
 Cum socerum ac generum paribus concurrere telis
 Bis tibi ferales uiderunt Roma Philippi:
 Impia cum seuo est tellus tremefacta tumultu.
 Sub quibus ingentes populi, quos undique mittit
 Longaque & in latas Hispania disita terras:
 Narbonam, qui ultra, praeruptaq; saxa Pyrenes,
 Auriferumq; Tagum, gelidiq; fluenta Salonis
 Iuxta habitant, & Caesarei prope flumen Ileri.
 Proxima castra tenent Italici finibus orti,
 Quo

Quorum alios *A*thesis fluuius deuexit amoeno:
*E*ridanusque alios uiolentis sustulit undis:
*B*enacusue parens, magno qui corpore centum
*F*lumina, qui plures seruat sub gurgite *N*ymphas:
*C*uius *A*pollineæ frondent in margine lauri,
*N*ec ripis absunt myrti, nec palma *M*ineruæ,
*P*lurimaq; *H*erculeis arbor quæ dedita ludis
*O*mnes qui *V*enetium prospectant littora regum.
*T*um quos coerulea foecundat *M*incius unda,
*M*incius *A*onidum fluuius notissimus antris:
*C*umque his mille uirum comitantur gentis *H*etruscae,
*Q*uos rigat emeritus diuinos *A*rnus honores,
*F*lumine, qui placido formosam intersecat urbem:
*E*t qui foecundos irrorans *A*bdue campos,
*L*abitur ac uitreo permiscet gurgite pontum.

*T*um uero quorum numerusque & gloria maior
*S*igna mouent populi *L*atiæ pars altera terræ
*V*ltra *A*lpes, apicemq; biuerticis *A*pennini.
*Q*uos *T*ybris pater in coelum notissimus amnis,
*T*ybris alit, ditq; hortos foecundat arena,
*E*t nemora *H*esperidum nunquam cedentia lucis.
*H*os pater *A*usonia conscripserat urbe *Q*uiritum,
*I*dem regnatorq; hominum, diuumq; sacerdos:
*T*empora cui fulgent triplici redimita corona:
*C*ui magnum datur imperium ac dijs æqua potestas.
*N*anq; alios soluit noxa, & quod quisq; meretur,

D 3

*A*lligat

IOANNIS PEDIONEI

Alligat: hos coelo atq; hos Tartara ad infima mittit
Pœnarum capita, & sæuæ ludibria mortis.
Isque ubi Bellonæ stimulis furialibus actas
Accipit indomitas pariter concurrere genteis,
Vnus ne nobis cunctando destituat rem,
Romanus princeps Romanum uindicat orbem,
Libertatis opus geminosq; in bella nepotes
Aëre. manu. & nunquam cessuris instruit armis.
Horum alter Latij floret pars magna Senatus
Nomen aui referens: Octauius alter habetur
Ambo ætate pares, animis præstantibus ambo.
Ambo magnarum fatalia nomina rerum,
Nec procul hinc absunt Italæ pars ultima terræ,
Quos Vultur alit, culti qui rura Vescui,
Pausylipiq; tenent colles: quos diues inundat
Sebethus, Sarnusque rigat pulcherrimus undis.
Nec non quos calidæ misere ad prælia Baïæ,
Nympharum domus, & formosi nomen Amoris,
Et pueri, & matris Baïæ gratissima cura.
Tum uero ante alios, placidi qui regna Salerni,
Gaietamq; tenent, Vatisque horrenda Sibyllæ
Moenia, iam proprijs uix agnoscenda ruinis
Vndiq; conueniunt, & quo uos carmine dicam,
Parthenope quos mater in hæc certamina mittit,
Parthenope domus Aonidum, & diuina canendo:
Nec tamen apta minus, ad duri munera Martis
Armat

*Armat equos, armatq; uiros, quos inclytus heros
Tolletus, patrij quem quondam ad flumen Iberi
Nympha parens ueterum clara de gente deorum
Sustulit ipse potens armis & Marte secundo
Augusto regi, fidei non immemor unquam,
Mittit ouans equites Calabros, peditesque Sicanos.*

*Tertia pars hominum uarijs comitatur aboris,
Undique quos diues latis Germania regnis
Colligit. Austriadæ iussa auxiliumque sequuntur
Francia quos gelidam seruat porrecta sub arcton,
Francia magnanimum genitrix foecunda uirorum,
Diues equum tellus, generosi mater lacchi.
Hos omnis gemini ducunt in bella periti
Armorum iuuenes, antiqui ab origine Brenni
Progenies: Ianusque prior dominator equorum:
Et qui Germani proauitum nomen Achilles,
Casmirumque refers animo & uirtute parentem.
Millia multa equitum Carlo fortissime ducis,
Fatalesque manus regnum his auclure Quiritum,
Marchionumq; decus propagature tuorum.*

*Inde alios, atq; inde alios pedites, equitesque
Hac Ericus agit, dein illa parte Philippus,
Brunones ambo, & Guelphi genus: ille parentem
Tereferens Erice: patris sed sorte Philippus
Inferior, regno & fortuna dignus auorum.
Nam pater ad pugnam non a quo Marte profectus
Amisso*

Amisso prius imperio, quod deinde reposcens
Nec ui, nec uirtute uiam, nec numine certo
Expedijt, medios (miserandum) illapsus in hostes
Cum nato maiore inimicis exulat aruis
Captiuus, tenebrisque & caeco carcere pressus.
Ergo odijsq; pijs, actusque dolore Philippus
Et patris, & fratris meritos ulciscitur hosteis.

Tum princeps iuuenum, genus alto á sanguine regū
Fernandi puer egregium patris incrementum,
Maximus Augusti comes, & fidissima cura
Usq; hæret patruo affixus, quascunq; paratus
Ire uias, nihil egregium tolerare recusans,
Ausus & ipse malum pulchra pro laude pacisci.
Hunc cum diua parens superas misisset in auras,
Ut fama est, gremio exceptum Venus aurea fuit,
Contulit & rarum formæ præstantis honorem.
Addidit & puero iam mox sua munera Pallas,
Omnes ut rerum Sapientia panderet arteis,
Donaq; Cecropias olim celebrata per urbeis:
Unde hominum errores excelso pectore nosset
Despicere, atq; humileis animo depellere curas.
Detulit & Iuno imperium, pater ipse deorum
Fortunam dedit, ac laudem sine fine manentem:
Hinc igitur tanti non immemor ominis, inquit
Rex genitor, Te care puer quò numina diuū,
Quo pater omnipotens uocat, & tua candida fata,
Virtutis

*V*irtuti æternum uoueo *L*audiq; sacratum.
*M*aximus á proauo memoraberis *A*emilianus.
*S*ic ait, & fluerent nequando hæc irrita dicta,
*C*oelicolum regem *D*iuosque in uota uocauit.
*I*amq; adeo, teneris cum nondum adulesceret annis,
*T*raditur *A*ugusto: iuo sub patruo atq; magistro
*I*nter equos, atq; arma uirum tua munera *M*aiors
*E*xercet magni uera instrumenta laboris.

*Q*uem iuxta & genere, & spacijs propioribus æui
*E*manuel curamq; gerens, animumq; uirilem
*F*ertur equo, impatiensque moræ ruit æquore toto,
*H*inc atq; hinc, gaudetq; puer decernere ferro,
(*M*irus amor laudum) pro libertate suorum
*N*on dubitet (sed fata uetent) occumbere letho.
*Q*uem licet arma terant, & sæui munera *M*artis,
*S*æpe tamen sacras ad animum deflectit ad undas,
*S*æpe tuas artis, tua numina uisit *A*pollo.
*I*amq; etiam bello in medio inter martia tela
*S*emper eunt *M*usæ comites, semperq; sequuntur
*M*agnanimum heroum monumenta & facta priorum:
*Q*uare agè iam magnis pergas insistere rebus
*M*acte animo tanto puer, & præstantibus ausis:
*M*ox etenim prius *A*llobrogum tibi debita regum
*S*ceptra quidem & multas proprijs cū gentibus urbeis,
*T*um quæcunq; pio genitori perfidus hostis
*A*bstulerat, quæcunq; inimicus & hauserat ensis
E Restitu.

Restituent & Cæsar auunculus, & tua uirtus.

Hij sunt ex cunctis regionibus arma secuti,
Tam multi numero, quam bello uiuida uirtus:
Hos pater Augustus moderator & arbiter orbis

Adfecta imperij pro maiestate Latini
Delegit contra infidos, contraque rebelles.

His igitur primum lustratis agmina cogit
Vndiq; & infensum magna ui tendit in hostem.

Tempore quo uarias mortalia pectora curas
Soluunt, & dulci declinant lumina somno,
Aegraq; sperata potiuntur membra quiete
Alituum, pecudumq; simul, pelagoq; natantum:
Cum uolucres etiam sistunt sua flumina cursus.
At non Austriades heros, non ipsa quiescunt
Agmina, quæ sitas donec uertuntur ad oras.

Et iam clara dies primo fulgebat eo
Cum multo aërij sparguntur lumine montes:
Urbem aspectabant Auri de nomine dictam,
Danubius quam cæruleis allabitur undis.
Hanc Bauarus quondam ductor qui bella perosus
Augustam Musis sedem, studiisque sacrauit:
Nunc eadem Phoebæ, pariter Martiq; tenebat
Apta locum studiis, & propugnacula bello.
Haud procul oppositas acies, inimicaq; castra
Prospectant, Italisque infensum gentibus Hæssum,
Multa uolutantem necquicquam, & uana tumentem.
Isque

Isq; ubi iam Hesperium medio uidet agmine regem,
Sidereasq; agnoscit aues, & signa Quirini,
Haud tamen audaci penitus fiducia cessit.

Nunc nunc o socij quo gloria, quo ipsa uocat res
Festinemus, ait: medias perrumpere classes

Ausonias, ferroq; inimicam excindere gentem
Est animus. qua nostra uocant nos fata, sequamur:

Dum trepidant, nondumq; acies coïere, neq; ullus

Agger murorum, aut fossarum robora firmant

Protinus acceleremus, & obuia castra petamus.

Siqua fides bello, si quod mihi munus in armis,

Faxo idem belli iam nunc sit finis & æui.

Austriadae luerint crimen commune tyranni.

Hæc ait, & pariter socios accendit in arma.

Increpuit belli signum, cauaque æra corusco

Ignem tonant, tremulisque lacessunt ictibus auras.

Haud secus ac densa si quondam grandine nimbus

Ictibus ingeminans terram quatit æthere ab alto:

Dissultare feri magno cum murmure montes.

Diffugiunt Nymphæ saltu, & nemora ardua relinquunt

Capripedes Satyri cum montiuagis Sylvanis:

Ipsæ pater medijs refluit Neptunus ab undis:

Quæ mare, quæque colit fluuios Panopea sonanteis,

Atque Halie, atque Thetis glauco uelantur amictu

Abpauidae & pulchros condunt sub gurgite uultus.

Nec timor hic tantum subiit mortalibus ægris:

E 2 Horre-

IOANNIS PEDIONEI

Horrescunt formæ pariter ratione carentes
 Squamigerum, pecudumque genus, cœloque uolantum.
 Non alius quondam terror peruaferat orbem,
 Cum sunt terrigenæ cœlum rescindere fratres
 Conati, superisque Iouem depellere tectis.
 Imposuere altis nec quicquam montibus Ossam
 Scilicet atque Ossæ conati inuoluere Olympum.
 Tum pater omnipotens uibrauit fulmina dextra.
 Concussitque noua passim formidine mundum.
 Aut si diluuiò terras abolere iacenteis
 Neptunus paret, atque undis euoluere monteis,
 Iamque iterum Phthiæ redeant noua secula Pyrrhæ.
 Exoritur castris primum trepidatio, & ingens
 It timor, Hispanum atque Italum calefacta tumultu
 Pectora, quos Cæsar uerbis affatur amicis:
 Magnamini iuuenes, qui me, meaque arma secuti
 Tamque ideo procul huc uarijs uenistis ab oris:
 Nec uos dulcis amor patriæ, nec cara parentum
 Oscula, nec natiq̃ue, exoptatique hymenæi
 Detinuere, quid õ uires, quid prisca laborum
 Deficiat uirtus? cur nunc tremor occupat artus?
 Insolitos quid segnities ignaua moratur?
 Per uos, per ueterum fortissima facta parentum,
 Per me, per sceptri decus imperiumque Latini.
 Ne trepidate metu. non hic Tyberina fluentia,
 Non Tagus, aut patrio excipiant quæ flumina cursu:
Per

XIX
Per medios rumpenda uia est. aut hic magis arma
Armati opperiamur: adest fortuna labori,
Nec spes ulla fugæ, fortes meliora sequuntur.
Audendum dextra, sic Iuppiter ipse deum rex
Fata regit filo. Semper sit uincere nostrum.

Sic ait. at socijs redit in præcordia uirtus
Ignescunt animi: dolor & pudor excitat iras.
Nec mora densantur fulgentibus agmina campis
Incurrunt nymbi similes accensa iuuentus.

Hispani atq; Itali primi in certamine martem
Exercent, ualidisq; petunt clamoribus hostem.

Haud secus ac Libycis si quondã in uallibus acrem
Turba canum prospexit aprum, seu montibus altis
Tollentemq; animos, meditantemq; arma leonem,
Subsistunt primo, nec cuiquam accedere uirtus.
Verum ubi iam sonitumque tubæ, uocemque latronis
Accepere, furor redit, & simul agmine facto
Qua uia, qua nemora alta, ruunt: nec uulnera tenent,
Hostilesque minæ, sed toti in bella feruntur.
Ni uincant, animas optent pro laude pacisci.

Haud secus Ausonijq; & prodiga pectora uitæ
Hispani, ducis imperium, exemplumque sequuntur,
Victores, uictique: Deus, fortunaque rerum
Quæ data, cædebant pariter, pariterque cadebant.

Fabricius satus antiqua destirpe Quirini
Ascanij genus, à Pompeio ducta propago

E 3

(Robur

IOANNIS PEDIONEI

(Robur ob Italicum ueteres dixere Columnam)
 Spumantem rapit acer equum, totusq; Latinis
 Collucens armis media inter millia sæuit
 Feruidus. hunc campo longe speculatus aperto
 Vollandus satus Arminio, & Saxonide nympha,
 Cominus ire parat. contra furit ille, furentemq;
 Excipit: incurrunt gemini, martemq; lacesunt.
 Ictibus ingeminant ictus, ac uulnera miscent
 Vulneribus, ualidisq; sonoribus æthera complent.
 Inde ruunt alij. Campana natus in urbe
 Nazario genitore olim & Sebethide nympha,
 Terribilis facie, & membrorum pondere uasto,
 Attolens caput, atq; armorum mole superstans.
 Quantam piniferis in montibus Apennini
 Stare uides quercum, ramalibus & capite ingentem,
 Ingentem. aëriam. sic forma fretus & armis
 Vertitur in medijs. fato cui adductus iniquo
 Fit Ruus, in Cattis quem quondam uallibus, inter
 Umbriferum nemus, & spumantem uortice Fuldam
 Sublatum, syluis pater hæc in prælia misit
 Adsuetus. felix patrio si more quietus
 Venatu potius clausisset filius æuum,
 Nunc illi (dolor ô misero rediture parenti)
 Per medios artus uolat Itala cornus, & inter
 Iuncturas armorum transijt hasta receptans
 Eluctantem animam. pariterq; emisit in auras

Supre

Supremam uocem, & terram premit ore cruento.
Hoc simul. inde ruit medio simul æquore uictor,
Huic addens Lebenū, & sublimem corpore Plancū,
Pomeriumq;, Nouūq;, & clara gente creatum
Flaminium generis referentem signa Latini
Prisca, sed *Almannis* olim considerat aruis
Antiquus genitor: caput huic diffinditur, ambas
Tormento in partes, galea haud obstante nec armis.
Consurgunt studijs Itali, lætiq; sequuntur
Hispani, clamorem ingentem ad sidera tollunt.

Castalus ut medijs miscentem praelia cernit
Nazaron, utq; uni tot terga dedisse, tot uni
Supplicia, accensus furijs, pudor & dolor iras
Excitat, ac stimulos generoso in pectore figit:
Nec dum etiam penitus cessit Germanica uirtus
Obuius ire parans. Non te hic, ait, optima mater
Parthenope tenet, aut patrui celebrata camænis,
Nympharum illa domus, Sirenumq; illa uoluptas,
Cognitaq; in coelum pulcherrima Mergilline:
Hostilem premis hanc terram, hic hostilibus aruis
Congrederis moriture: haud te tua feruida uirtus
Haud facies tetrica, & propexa in pectore barba
Eripiant morti: nil hic tibi carmina prosint
Actia, nil patrui uirtus, atque æmula Phoebo
Musa, uel è summis deducere montibus ornos,
Aut saxa, aut gelidas possit quæ flectere ualles.

Dixerat

IOANNIS PEDIONEI

Dixerat ardenteis uultus, ardentia torquens
 Lumina: & horrendum spirans fremit ore. sed ille
 Nil contra. at rapida ui concitus æquore fertur
 Iam medio, iam cursu equitem, iam calce fatigat
 Obuius, immanes proturbant eminus hastas
 Ambo animis freti, ambo armis, uiridq; iuuenta.
 Nazarus ut summa telum contorsit opum ui
 Congeminans ictum, medium qua tuta tegebant
 Arma uirum, fuluoque nitefcit baltheus auro,
 Emensus ratione uiam, cum disilit hasta
 Dans sonitum, medioque furentis frangitur ictu.
 Ille ruit contra, telumque intorquet, & urget:
 Sed qua ui contra iuuenis, quibus audiat armis
 Conserere? & pugna premitur perculsus iniqua.
 Iamque minus fessæ præstant in corpore uires
 Discussus galeam capite, & thoraca fluentem,
 Infractoque æger telo, nec sufficit ensis.
 Auolat ergo, & equo furibundus iapige fertur
 Dentibus infrendens tamen, & sua castra requirit
 Incolumis. sed nec tam longum Castalus audet
 Tendere, nec quisquam curat procedere contra.
 At parte ex alia densum coguntur in agmen
 Hispanique, Italique, & mixti impune Latinis
 Germani, quos signa notant, cristæq; iubarum
 Sanguineæ: nanq; & reliquos sua signa notabant
 Pallidæ, fatalemque metum color ipse ferebat.

Hinc

Hinc ergo atq; illinc densi iam rursus inundant,
Procurruntq; uiri fit clamor, & impete magno
Intereuntq; ruuntq; fluit iam terra cruore.

Haud aliter, quam si proruptis nubibus ingens
Tempestat furit, atq; altis de montibus amnes
Imbriferi terram quatiunt, magnoq; tumultu
Inuolunt, pariterq; trahunt armenta, uirosq;
Intereunt segetes, uulgo quassata fathiscunt.
Pascula non meritis quondam cessura iuuenicis.

Hispani uigilant, animis manibusque parati.
Qua tentent ratione aditus, qua peruia rumpant
Castra uia, & proprijs hostem depellere tentent
Aggeribus, fossisque: ingenti mole sequuntur
Ausonidæ, & longis obiectant corpora telis
Intrepidi, arrectæ spes, exultantiaq; intus
Pectora, percellit pauor, & furit ignea uirtus,

Germani contra numeroque & uiribus æquis
Ingeminant longis mucronibus: undiq; tellus
Pulsa termit fremituque uirum, fremituq; & equorum
Et tandem patriæ memores uirtutis in æquor
Procurrunt medium, laudisq; iterata cupido.

Villa fuit iuxta totos spectanda per agros
Pastorum domus, & fessis gratissima sedes
Agricolis, rapido cum Sol furit improbus æstu,
Ruraque turbantur coeli contusa calore.
Iuxta densa palus, atraque putredine ripa

F

Adsta.

*A*dslabat longis bastilibus obsita. nunc hi
Tendant nunc illi, certatur littore toto.

*H*aud secus ac clauso si quondam carcere uenti
Longum indignantes certant perrumpere uincla,
Captiuisque fremunt nodis, laxare catenas
*A*eratas coepere, & sensim cardine uerso
Panditur *A*eolice ruptis domus alta cauernis.
Tum Zephyrusq; Notusq; ruunt, simul agmine magno
*A*phricus, immensas uoluunt ad sidera moles
Spirantes immane animæ, & Neptunia regna
Tolluntur coelo: fluctus, æstusque sub auras
Erigitur, uasto resonant freta pulsa tumultu:
*A*b miseri nautæ fractis iam currere tentant
Remigijs, ab iam medijs iactantur in undis,
Semianimes clamore rates, uitamq; relinquunt.
Sic quos cura tenet summi fastigia tecti
Eruere, aut armis positos defendere muros,
Intereunt, cæciq; ruunt. pars limine primo
Proijciunt animas: pars in penetralibus imis
Confixi, aut densa uitam liquere palude.
Tandem Chalcidici uilla potiuntur, & ipsis
Parietibus loca tuta cauant, queis mittere plumbum
Flammantisque globos possent, aciesque Latinas
Oppositas penetrare, hostemq; auertere cæcis
Ignibus imposito testudine sulphure tentent
Et si uictores uel prima ea cura subisset

Cessit.

Cesspitibusq; implere domum, tormentaq; tectis
Iniicere, & tumulo fulmen demittere ab alto,
Ultimus ille dies bello, uitæque fuisset
Austriadis sed fata obstant, nec tendere contra
Numina magna sinunt: nec longum tecta tenere
Est Hessi licitum, nec sic fortuna tulisset.

Hic tum Belga ferox ubi fundamenta cauauit,
Sulphuraq; in cæcis specubus nigrantia liquit,
Admouitq; ignem procul. haud subito æstus ad auras
Effurit, ac uires magis ac magis auget, & altum
Impellitque urgetque prius specus, & furit intus
Mulciber intremere antra procul, conuulsa labare
Tellus. tum demum ruptis immane cauernis
Emitat ignis, ubiq; uolant infracta per auras
Saxa, arcesq; tonat cœlum ingens omne fragore.

Ausonius iam tum uetus in præcordia uirtus,
Hispanisq; subit. nanq; hostem pellere muro
Tum primum contis certant: & fulmine crebro
Terra tremit stupefacta, ingensq; exterritus æther.
Corpora multa uirum uacuas uolitare per auras
Tormentis impulsæ: cadunt hinc rursus, & illinc,
Prona dies imo donec procumbit olympe
Et fessos sol sistit equos in flumine Ibero.

Considunt tandem castris & robora uallant
Murorum Aeneada: ingenteis in littore fossas,
Linea uela parant: alij de cessite tutos

F 2

Effodere

Effodere locos. instant: pars uoluere saxa
 Molirique arcem tumulo: labor improbus omnes
 Sollicitat: legere etiam qui moenibus urbis
 Excubias agerent. uigiles, ne quando uocarent
 Securos aduersa ingenti noctis in umbra.
 Quin alij pontes & propugnacula tollunt
 Aggeribus, mediumque uagans Latonia uirgo
 Pulsabat coelum, & cunctas sopita iacebant
 Corpora per terras, tenebris nox ima tenebat.
 Austriades heros, procerumque electa iuuentus,
 Magnanimusque nepos regis Fernandia proles
 Nocturnum imperij summis de rebus inibant
 Consilium: quid iam facerent: quæ prima laborum
 Cura animo sedeat: quæ post fortuna supersit.
 Vix tandem lento Caesar procumbere somno
 Coeperat, & sera laxabat membra quiete.
 Ecce illi ueniens coeli delapsa per auras
 Regis aui facies uisa est astare, Latini
 Cui quondam imperium populi, sceptrumque fuisset:
 Isque soporatum curis, animoque grauatum
 Solatus, tales effudit pectore uoces.

Care nepos, uitaque ipsa, dum uita superstes,
 Dulcior, o generisque salus & gloria nostri,
 Carole, quem magnus fatorum postulat ordo,
 Imperium terris extendere, nomen olympo:
 Ipse deum tibi me genitor demisit ab alto

Qui

Qui mare, qui terras, qui mundi temperat orbem:
Atq; hæc ferre dedit superas mandata sub auras.
Te quoniam magnis animum committere rebus
Fata uolunt: Quicquid durum pro laude pacisci
Te iuuat, optati donec te numen amicum
Proferet ad uoti cumulos, laudumq; tuarum:
Non te non tantum ullius uiolentia uincat.
Nanq; furens aderit, cœlum qui territet armis,
Hessus, & insanis conatibus alta laceffat
Sidera, qui superos patrio detrudere olympo,
Quique suo tentet Neptunum euertere regno:
Vos tantum durate animis, & sistite contra
Intrepidi, donec uenti uertantur, & imbres
Tempestate cadant. nanq; hoc citius fera ponent
Fulmina, maiori quo se molimine primum
Intulerint. neq; enim primo in discrimine belli
Ingentes animi luctantis & effera uirtus
Deficient, audaxque furor. uerum ille ubi cessit
Impetus, indomiti fugient in pectore sensus:
Visque animi effusis nequicquam uiribus intus
Languescet: petet ille fugam, petet undique fessus:
Quas tum non gentes. quas non orauerit urbes
Auxilium supplex? quæ non optauerit arma?
Defessus tandem, conatu elusus inani
Succumbet, cæcaque miser formidine cedot.
Vnus erit, totam rerum qui euoluere molem

Saxo uelit, belliq; faces extinguere tentet
 Terribilis primo frustra incertamine martis:
 Sed nunquam tentasse uelit: non numine iniquo
 Viribus imparibus diuinam euertere gentem
 Heu male conatus. patrias excisus ad undas,
 Exutusq; armis casu succumbet acerbo.
 Heu quales animosque uirum, quam fortia uolues
 Corporaq; armaq; quam multo tua flumina crescent
 Albi pater, tua quo pinguescent arua cruore?
 Natorum in felix fatum quam triste uidebis?
 Infelix mater? miseri quæ uulnera cernes
 Coniugis? at non tu crudelis Carole, non tu
 Nate ferox. ipsos proprijs succumbere fatis
 Haud pater ipse uetet magni dominator olympi.
 Et sua cuiq; deus, certo & pro numine uirtus.
 Tum quicumq; prius cupidi decernere ferro
 Optabant, sæua uitam pro morte pacisci.
 Quam mallent dubijs uitam committere uentis,
 Nunc & Carpathij sineis lustrare profundis:
 Pauperiemq; pati, & duros in pace labores:
 Ne temere arsisent insani martis amore.
 Orabunt uicti ueniam, hinc animisq; repulsis
 Cernes sollicitos dexteras protendere inermes:
 Tum memor & propriæ, & constans uirtutis auitæ
 Supplicibus dabis: haud ullius crimina possint,
 Quo tua defuerit fassæ clementia culpæ.

Nanque

Nanq; tibi ne falsa putes hæc ludere Manes:
Cum iam ter medio currum librabit olympo
Phoebus, & Hesperias toties descendet ad undas,
Ecce aderit, ualido implebit qui milite campos,
Belgarum multoque graueis ager ære cohortes
Pyrrhus per medios hostes penetrabit, & armis
Arma tuis cumulans germanæ iussa sequetur.
Ille decus belli, quo uix præstantior alter
Obsessas penetrare urbeis, & uertere muros
Ignibus, & mixto testudine sulphure adacta.
Hunc capies rerum socium, hunc tibi nate uolentem
Iungito, nam præstans animi, fidensque iuuentæ
Contemptor lucis, laudumque incensus amore est
Præcipuo. Qualis nocturnos lucifer igneis
Maiori inter luce micans superminet omnes.
Quinetiam Pyrrho magnum coniungis Othonem,
Cui sunt templa deum, cui sunt pia numina curæ,
Religioq; patrum. illum quem maxima Pallas
Edocuit, magnumq; dedit sapientia nomen.
Hos tu consilijs socios, belliq; ministros:
Hos & pacis habe comites. sic omnia uinces
Quæ nunc ardua, quæq; tibi haud superanda uidentur.
Iamque uale, & factis ingens fer ad æthera nomen.
Sic ait, & uacuas penetrat ceu uentus in auras.
Illi autem egelido soluuntur membra sopore
Iamprimum, cæcamque relinquunt lumina noctem.

INGOLSTADII IN OFFICINA ALE
xandri Vuicssenhorn, M. D. XLVII.

XXV

005643639

16